

ISEYELI
PAASENLAA
TOM TAKƏLAYA
Kutulu

Takəlaya kanε ka taa kε tə naaki isəna Iseyeli nyóma yela Isə kε Kanaan tetv taa tə. Pa nəγə təə tv Yosuwee səpa. Ile pa feina paasənlv. Paa wei i lakaya isəna i caaki təγə. Ama waatv wei pa nukv pa isayətv səη ilena pá keesəna Isə təə na pá wii. Isə naaki pa pətətəle, ilena í ləsəγi paasənlaa na pá waasəγi-wε. **Isəna pa faya Paasənlaa takəlaya tə:**

Iseyeli nyóma sūv ke Kanaan na Yosuwee səm,
 titite 1:1-2:10

Iseyeli paasənlaa, titite 2:11-16:31

Iseyeli nyóma liyituyv, titite 17-21

Iseyeli nyóma cayav ke Kanaan tetv taa

¹ Yosuwee səm waalv kε Iseyeli nyóma pəəsa Tacaa sv pa nyəη pa kpekə taa nte tv yoonna Kanaan nyóma ke kancaalaya tə. ² Ntəna Tacaa sv: Yuta nyəntε kε. Mpi tə, pεle pa niη taa kε ma tv tetv.

³ Mpuγvle Yuta kpekəle nyóma təma Simiyəη kpekəle nyóma sv: Í kəə na í səna-tv na tε yoonna Kanaan nyóma na tε lεkvi tetv nti Tacaa ká ha-tv tə. Ye tə tεma təna, ile taa kəə na tε səna-me na tε lεkvi mə nyəntv.

Mpuγvle Simiyəη nyóma polaa na pá səəsv Yuta nyóma təə, ⁴ na pá tεe yoo. Ilena Tacaa tv Kanaan nyóma na Peliisi nyóma ke pa niη taa, na pá kú yəlaa iyisi naanvwa (10000) kε Peseke icatε taa. ⁵ Mpuγú

pa maɣana wulav Atoni-Peseke ke Peseke ɪcate taa, na pá yooṇa-ɪ. Isəna pa kələna Kanaaṅ nyəma na Peliisi nyəma təɣəle. ⁶ Uena wulav se na pá təɣəni-ɪ na pá kra-ɪ na pá seti ɪ apalɔmpɛe na ɪ apalɔnɔmpɛe. ⁷ Mpuɣule wulav inɪ ɪ tɔma si: Ma maɣamaɣa maa seta yəlaa nutoso na naanɔwa apalɔmpɛe na pa apalɔnɔmpɛe ke m̀p̀r̀ỳg̀, na má təkɪ na cəɣəlasɪ hotɪɣi na pá caləsəɣi. Mpi maa lapa təɣə pə fɛləɣi-m.

Uena pá pona Atoni-Peseke ke Yosalem na í caṅ na í si təna.

⁸ M̀p̀r̀ỳg̀ Yuta nyəma yooṇa Yosalem nyəma, na pá kv-we na pá sɔ ɪcate ke kəkə na pá lɛeki-te. ⁹ Pə waali ké pa polaa na pá yooṇa Kanaaṅ nyəma mpa paa we pulasɪ taa, na ilim mpətəṅ tɔə ké tɛtɛkələ taa tɔ. ¹⁰ Uena pá polo na pá yooṇa Kanaaṅ nyəma mpa pa we Hepələṅ timpɪ pa yaakaya si Alapa tɛ tɔ. Na pá kv Sesayi nyəma, na Ahimaṅ nyəma, na Taləmayi nyəma. ¹¹ Pa tɛma təna, uena pá polo pá yooṇa Tepii timpɪ pa yaakaya si Kiliyati-Sefɛɛ tɔ pə nyəma. ¹² M̀p̀r̀ỳg̀ Kalɛpu tɔma si: Ye wei ɪ yooṇa Kiliyati-Sefɛɛ nyəma na í kəli-we maa ha-ɪ ma pɛɛlɔ Akəsa na í la alv. ¹³ Tənaɣalɛ Kalɛpu neu tənɔɣu nyəṅ Kenasɪ pəyalv wei pa yaa si Otiniyɛɛ tɔ, ɪ yooṇa ɪcate nté tə nyəma na Kalɛpu ha-ɪ ɪ pɛɛlɔ Akəsa na í la alv. ¹⁴ Akəsa saawa, uena í tɔ ɪ paalv si: Maa sələmɪ ma caa ke tɛtɔ natəli. Alv inɪ ɪ tiina ɪ kpaṅaya tɔə, uena ɪ caa pɔɔsi-ɪ si: Alaafəya kɛɛ? ¹⁵ Mpuɣule alv nəɣə təkpaɣ si: Hai, la-m kvpantv na n̄ ha-m hila. Mpi tɔ, tɛtv nti n ha-m m̀p̀r̀ỳg̀ ilim mpətəṅ tɔə tɔ tə fɛɪ lvm.

Uena ɪ caa Kalɛpu náa ha-ɪ hila wena a we pə tɛɛ tɔ, na isəttaa nyəna.

¹⁶ M̀p̀r̀ỳg̀ Moisi yətɪ lɔlɔɣu nyəma Keni nyəma na

Yuta nyóma pa luwa Yeliko, na pá polo pá caya Yuta Alaati ilim mpətəḡ təw ké wulaya tetu taa ké Amaleke nyóma tetu taa.

¹⁷ Mpuḡule Yuta nyóma, na Simiyəḡ nyóma pa polaa na pá yoonə Kanaaḡ nyóma mpa pa we Sefati tə na pá təḡə pa tetu, na pá yəki ɪcate tənəḡḡḡ. Na pá ha-te si Hooma. Ncaale ke pa yaa mpu na pa te taa. ¹⁸ Pəle pə waali ké Yuta nyóma mpe pa tasa Kasa, na Asəkaləḡ, na Ikoləḡ acalee ke leekuḡu, na pá kpena wena a cəwəna-ye tə. ¹⁹ Tacaə ka we pa waali ké haləna pá leeki pulasi tetu təna. Ama tetu ihəntav taa nyóma ke pa ta pəsi. Mpi tə, pəle paa wena yoo kekekaə nyəḡətu nyóma ké. ²⁰ Ilena pá ha Kaləpu ke Həpələḡ ɪcate, ɪsu Moisi ka yəḡətuḡu tə. Mpi tə, ɪ təḡəḡḡḡ Anaaki lələḡ nyóma tooso wei ɪ ka we təna tə. ²¹ Pəncaməe nyóma ta pəsi na pá təḡəḡḡḡ Yəpusi nyóma mpa paa we Yosalem tə, pá na-we pa wəna mpu.

²²⁻²³ Mpuḡú Ifəlayim kpekəle na Manasee nyəntə pa polaa na pá yoonə Petəeli timpi pa yaakaya Lusi tə, na Tacaə səna-we. Fəḡlaa ke paa caaləna tiluḡu ke Petəeli taa. ²⁴ Pəle pa talaa na pá sulina apalu nəḡəlu, ɪlena pá təmi-ɪ si: Huli-tuḡu timpi təw ɪcate koloosi topilinaa tə, tu nyi nyá təw.

²⁵ Mpuḡú apalu ɪ hula-weḡe təsule. Ilena pá su na pá kú ɪcate yəlaa təna. Ama pa yela apalu ɪ na ɪ təyaya nyóma təna. ²⁶ Pə waali ké apalu ɪ na pola Hiti nyóma tetu taa, na í ḡmá ɪcate na í yaa-te si Lusi, na pá yaaki-teḡe mpuḡú haləna saḡa.

²⁷ Manasee nyóma ná tá pəsi na pá təḡəḡḡḡ Peti-Seyəḡ nyóma, na Taanaaki nyóma, na Təwə nyóma, na Ipeleyam nyóma, na Mekito nyóma, na pə acalee

wena a cəəna-ye tə. Kanaaη nyəma ka we tənaya tam ké. ²⁸ Paa na waatu wei Iseyeli nyəma kəma na pá yoo toη ke teu tə pa ta pəsi na pá ləeki pa koloosi acalee. Ye pə taγa səkpəna paasi.

²⁹ Ifəlayim nyəma ná tá pəsi na pá təγəni Kanaaη nyəma mpa pa we Kesee tə, pa na-we pa wenna.

³⁰ Sapuləη nyəma ná tá pəsi na pá təγəni Kanaaη nyəma mpa pa we Kitələη na Nahalali tə. Ama təma ké pa tu-we na pá na-we pa we mpu.

³¹ Asee nyəma ná tá pəsi na pá təγəni Ako nyəma, na Sitəη nyəma, na Alapu nyəma, na Akəsipi nyəma, na Heləpa nyəma, na Afiki nyəma, na Lehoṛi nyəma. ³² Pə təə ké pá na Kanaaη nyəma pa caγa pele pa tetu taa.

³³ Nefətali nyəma ta pəsi na pá təγəni Kanaaη nyəma mpa pa we Peti-Semesi na Peti-Anati tə. Ama təma ke pa tu-we na pá na-we pá wee.

³⁴ Mṛúγú Amolii nyəma təγəna Taη nyəma, na pá kra pulasi taa. Pa ta yelee-we na pá caγa tetu ihəntau taa. ³⁵ Ilena Amolii nyəma saali Haa-Helesi puγu taa na Ayaləη na Saaləpim. Ama waali waali ké Ifəlayim nyəma, na Manasee nyəma ηmakəla-we na pá tu-weγe təma. ³⁶ Itəm nyəma tetu toηa fayana Pəcesi tontonje təə ké Sela na ilim təlule təə.

2

Tacaa kaləγəna ıyəlaa

¹ Mṛúγú kuyaku nakvli Tacaa ısətaa tillu luna Kili-likaa, na í polo timpi pa yaa sı Pokim tə. Na í tə Iseyeli nyəma sı: Ma ləsa-meγe İcipiti na má pona-meγe tetu nti tə taa maa heela mə caanaa na tuunav sı maa ha-me tə. Halı má γəγəti na má sı sı ma kaa γəki má

na me ta nəγə pɛlɔγv. ² Na ma heela-me si mə na tɛtv tənɛ tə nyóma í taa pɛli nəγə nakəli. Pə wɛɛ ké si í yəki pa tuŋ. Paa na mpv tɔ, í tá nu ma tɔm. Uɛ pɛpɛ tɔɔ ké í lapa mpv? ³ Pə maγamaγa pə tɔɔ ké ma heeliγi-me təfoo si ma kaa təγɔnəγi tɛtv tənɛ tə yəlaa na mu təŋəγi. Ama mə na-wɛ í ká wɛɛna mpv, na pa tuŋ pəsi-mɛγɛ katəsi.

⁴ Waatv wei Tacaa isəttaa tillu tɛma tɔm ntəγi yəγɔtuγv, ulɛna Iɛγɛli nyóma tvli nəəsi na pá wiiki. ⁵ Pə tɔɔ ké pa ha lonte ntɛγɛ hətɛ si Pokim. Wiilaa tɛγɛ pa yaa mpv na pa tɛ taa. Ḿpɔ́γú pa lapa Tacaa kɛ kətəsi.

Yosuwee səm

⁶ Waatv wei Yosuwee taa sətə tɔ, ḿpɔ́γú ɪ yela Iɛγɛli nyóma kɛ Sikem, ulɛna paa wei í məli ɪ tɛtv nti ɪ hikaa tɔ tə taa. ⁷ Iɛγɛli nyóma lapa Tacaa təmle ké, haləna Yosuwee səm. Na pá sɛɛsi isələ kɛ mpv, na nyuγv nyóma mpa pa nana pa isəpələ kɛ təma səsəna wɛna Tacaa lapa-wɛ tɔ, pɛlɛ pa polo pa si tətɔ. ⁸ Tacaa təmle tv Yosuwee pusi yoosa nunɔwa na naanɔwa (110) ulɛna í sí. ⁹ Ulɛna pá pimi-ɪ tɛtv nti pa ha-ɪ tɔ, tə taa ké Timnatɪ-Helesɪ kɛ Ifəlayim pulasi taa ké Kaasi puγv taa ké ilim ntəγɔŋ tɔɔ. ¹⁰ Ḿpɔ́γú Yosuwee pəɔlɛ nyóma təna səpa tətɔ. Ama kufalan yəlaa ná táá cəkəna Tacaa, na təma səsəna wɛna ɪ ka lapa Iɛγɛli nyóma tɔ.

Iɛγɛli nyóma ləwa Isə sɛɛv

¹¹ Ḿpɔ́γú Iɛγɛli nyóma lapa mpi pə ta maγa Tacaa tɔ. Pa laakaya tuŋ wei pa yaa si Paalənaa təγɔ. ¹² Pa ləwa pa caanaa Isə Tacaa wei ɪ ləsa-wɛγɛ Icipiti tɔ. Ulɛna pa laakali məli piitimnaa mpa pa həkv pa wɛ

mpu tɔ pa tuŋ tɔɔ, na pɑ luŋiŋi-i. Tənaɣa pa kusəna Tacaa pɑáná. ¹³ Pa lɔ-i ké na pɑ laaki tuŋ apalu nyəŋ wei pa yaaki si Paalənaa tɔ, na alu nyəŋ wei pa yaa si Asətətənaa tɔ. ¹⁴ Ḿpúyó Tacaa taa huuna Iseyeli nyəma, na í yele-we na leekəlaa leeki pa nyəm təna. Na í tu-weye pa kolontunaa niŋ taa na pɑ kəli-we. ¹⁵ Paa waatu wei ké pa sula yoou Tacaa yeki ké na pele pɑ tɔxɔni-we. Isu i ka tem-weye heeluyu na tuunav tɔ. Tənaɣale pa laŋa wakəlaa tətɔxətɔxɔ. ¹⁶ Kəna Tacaa náá kraaki pa taa ké paasənlaa si pele pɑ waasi-weye leekəlaa mpe pa niŋ taa. ¹⁷ Ama Iseyeli nyəma kisa peleye nunav na pɑ laaki tuŋ na pɑ luŋiŋi-i. Tənaɣa pa yelina pa caanaa mpa pa tənaɣa Isə kusəsutu tɔ pa mpaav ke ləŋ, na pɑ kisi-weye kəenav. ¹⁸ Paa waatu wei ké Tacaa kra-weye paasənlu, i we puntu inu i waali ké na í yaki-weye pa kolontunaa niŋ taa, haləna i səm. Pəpətu fei lelen, ye pə kəma na pa ŋmakəllaa nyəŋsəŋi pa ise na pɑ saləməŋi, pa pətətəle kraaki Tacaa ké. ¹⁹ Ama pə kəŋ na paasənlu si, iləna pɑ tayani isayatu taa ké məluyu, na pə kəli pa caanaa. Na pɑ laaki tuŋ na pa luŋiŋi-i. Na pɑ tɔka tam ké pa kaŋkante, na pa yaasi isayav.

Tacaa mayasəŋi Iseyeli nyəma si i naa pa waali

²⁰ Ḿpúyó kuyaku nakuli Tacaa taa huuna Iseyeli nyəma na í tó si: Yəlaa pane pa yəka ma nəxə ŋka ma na pa caanaa tu pəelaa tɔ, na pɑ kisi-m nunav. ²¹ Mpu tɔ, ma kaa tɔxɔni piitimnaa mpa Yosuwee taa té tɔxɔnuyu na pəcɔ́ í səkɔ tɔ, pa taa kolum. ²² Piitimnaa mpeye maa nana Iseyeli nyəma waali si paa nuna-m na pɑ təŋ ma luyu nyəntu isu pa caanaa lapu tɔ yaa isəna.

23 Μρύγύ Tacaa yela piitimnaa mpa ι taa tu Yosuwee ninj taa si í tǽǽni tǽ na pá hǽesi. I ta hulina pa tǽǽnuǽu.

3

1 Μρύγύ Tacaa yela piitimnaa mpege tǽǽnuǽu si ι maǽasǽǽna Iseǽeli nyǽma mpa pa taa nyi pá na Kanaaη nyǽma pa yooη tǽna tǽ. 2 Tacaa caakaya ké si mpa inι pa taa nyi yoou ke mpu tǽ, pá nyi-ku. 3 Piitimnaa mpa pu kaasa tǽǽnuǽu tǽǽle Filiisi nyǽma acalee kakpasi, na Kanaaη nyǽma tǽna, na Sitǽη nyǽma, na Hifi nyǽma mpa pa we Lipaη puǽu taa ké pǽ kraǽau Paali-Heemǽη puǽu na pǽ polo Lepo-Hamati tǽ. 4 Mpe inǽgi Tacaa caakaya si ι naakǽna Iseǽeli nyǽma waali si paa tǽki kosǽsutu nti ι ka yelaa na Moisi tu pa caanaa tǽ yaa pa kaa tǽki. 5 Mpu pǽ yelina na Iseǽeli nyǽma we Kanaaη nyǽma na Hiti nyǽma na Amolii nyǽma na Peliisi nyǽma na Hifi nyǽma na Yepusi nyǽma pa hekυ. 6 Pele pa haakayana-wege pa peela na pá laki alaa, na mpe pá haaki pelege pa nyǽma, na pá laaki pa tuη.

ISEǽELI PAASÆNLAA

Otiniiyee

7 Μρύγύ Iseǽeli nyǽma lapa mpi pǽ ta maǽa Tacaa tǽ. Pa kisa Isǽ ké seeu na pá laaki tuη wei pa yaaki si Paalǽnaa na Aselanaa tǽ. 8 Mpuǽule Tacaa taa huuna-we na í tu-wege Mesopotami wulav Kusaη-Lisatayim ninj taa. Na ílé ι ηmakǽli-wege pusi pǽlefai tǽcu. 9 Kelena pá wiina Tacaa si í ya-we. Uena ílé ι lǽsi Kalepu neu tǽnuǽu nyǽη Kenasi pǽyalu Otiniiyee si í waasi-we. 10 Μρύγύ Tacaa Feesuǽu tii ι tǽǽ, na í polo í yooa wulav Kusaη-Lisatayim na í kǽli-ι.

11 ʌena ʌseyeli nyóma heesi pusi nule təcu. Pə waali ké Otiniyee səpa.

Ihuti

12 Ḿpóyó ʌseyeli nyóma tasa lapu ke mpi pə ta maya Taca a tə. Ntəna ílé ɪ yele na Mowapu wulav ʌkolon kuli pa tə. 13 ʌ polaa ké na í səsı Amoni nyóma na Amaleke nyóma pa tə, na pá yoonə-wə na pá ʌeki Yeliko ɪcate. 14 Pusi pəlefei hiu təcu ké Mowapu wulav ɲmakəla-wə. 15 Pa wiina Taca, ʌena í kra Pəncaməe kpekəle taa tɔ Kelaa pəyalu mpɔtu Ihuti si í waasi-wə.

Kelena ʌseyeli nyóma cəla Ihuti ke kucəw si í pona Mowapu wulav. 16 Ntəna Ihuti caa layate nte tə wə ləŋ ke taa na waali, na t́ tayala ɪsu mpiiŋ naale tə, na í susi-təye ɪ tokonaa tɛe na ɪ ntəyən tə. 17 Mpuylə ɪ cəla wulav ke ɪ kucəw. Apalu ɪnɪ ɪ ka ke kuyasulu ke təmam. 18 ʌ tema-ɪ cəlyu ke mpɔ, ʌena í na yəlaa mpa paa kəna kucəw ɲku tə pá lu. 19 Pa kəma na pá tala pəe wena pa sika Kilikaa cəw na pá laaki tə, ʌena Ihuti mələna ɪ waali, na í polo wulav kiŋ si: Hai, tá caa, maa wena faaciya nakəli si ma naaki-ŋ má na-ŋ tá tike.

ʌena wulav ləsi təmle nyóma təna. 20 Ate na ɪsə nan ɲku ku niyita teu tə ku taa ké ɪ ka wəe. Ntəna Ihuti kpətəna-ɪ na í təmɪ-ɪ si: Taca heela-m təm si má heeli-ŋ.

Tənaɣale wulav kula ɪ təcaɣale. 21 ʌena Ihuti kpəe ɪ layate na mpɔtu na í sə wulav lotu taa. 22 Na t́ suu tə təna, na ṕ kpəŋna kpátóyó, na í yele-təye mpɔ na nim waasi tə tə. 23 ʌ tema mpɔ, ʌena í luna waali tə, na í təkɪ na í kaləsi. 24 ʌ tɛɛwa ʌena təmle nyóma polo pa mayana pə kaləsa mpɔ. ʌena pá tɔ pa taa si wulav

lukɪ ɪ awali ké. ²⁵ M̀p̀ỳg̀ pa taŋaa na pá ká ɪ fei tɔlɔyɔ. Uena pá polo pá tɔli pa maɣamaɣa na pá maɣana pa caa hənta atɛ na ɪ səpa. ²⁶ Waatu wei pa taŋa mpu tɔɣo Ihuti sewa na í tɛɛ pɛɛ tɔyəkəle, na í polo í ηmeli Seyila. ²⁷ I tala Ifəlayim pəŋ taa, uena í yaɣa apalɔ tutuyɔ, na í koti Iseyeli nyəma na í tɔ-wɛɣɛ nɔɣo na pá tii pulasi. ²⁸ Uena í tɔ-wɛ si: I təŋ ma waali. Mpi tɔ, Tacaɔ tɔ mə niŋ taa ké mə kolontunaa Mowapu nyəma ké.

Uena pá polo na pá nyala-wɛɣɛ Yaatanɪ tətɛsəle, nɔɣɔlɔ ta fiti. ²⁹ Kuyanjku pa kv Mowapu yoolaa taa yoolaa ke yəlaa iyisi naanɔwa (10000) ké nɔɣɔlɔ ta tɔli. ³⁰ Pə kraɣav waatu inɪ tɔɣo Iseyeli nyəma ηmakəla Mowapu nyəma na tɛtɔ hɛɛsi pusi nunaasa tɔcu.

Samkaa

³¹ Anati pəyalɔ Samkaa lɛtəna Ihuti lonte taa. Inɪ ɪ kvna Filiisi nyəma ke yəlaa nasətoso (600) na nav kɔrátúgú. Ué ɪ waasa Iseyeli nyəma tətɔɣo.

4

Tepola na Palaki

¹ Ihuti səpa, uena Iseyeli nyəma tasa lapɔ ke mpi pə ta maya Tacaɔ tɔ. ² M̀p̀ỳg̀ Tacaɔ tɔ-wɛɣɛ Kanaan nyəma wulav Yapeŋ wei ɪ təkaya kawulaya ke Hasə tɔ ɪ niŋ taa. I youu wulav ke pa yaakaya Sisela na í wɛ Halose-Koyim. ³ Yapeŋ inɪ ɪ youu keekɛnaa ka wɛ nasənaasa na nunɔwa (900) ké. M̀p̀ỳg̀ ɪ nyəŋsa Iseyeli nyəma ɪsɛ ke pusi hiu tɔcu. Uena pɛlɛ pá wiina Tacaɔ si í waasi-wɛ.

⁴ Lapitətɪ alɔ Tepola ka kɛna Iɔ kvɔɣɔtɔtɔ tɛlɛsɔlɔ na í huɔki Iseyeli nyəma ke pa təmnaa ke waatu inɪ

ι τaa. ⁵ Peteeɫi na Lama pa heku τaa timpi pa yaa si Tepola Paav ke Ifəlayim puɣu τaa təɣə alb inɪ ι pukaya na í caki, na í tayanəɣi Iseyeli nyəma təmnaa.

⁶ Mpyóɣú kuyaku nakuli Tepola inɪ ι tila Apinowam pəyalu Palaki kin ke Keteesi ke Nefətali tetu τaa, na í heeli-ι si: Iseyeli Iəw Tacaa təma si ḡ ləsi Nefətali na Sapuləɣ pə nyəma τaa ké apalaa iyisi naanəwa (10000) na ḡ pona-weyε Tapəw puɣu təw. ⁷ Maa yele na Yapeɣ yoolaa wulaw Sisela kuu ι yoolaa na ι keekena nyəɣətu nyəma na pá lu Kisəɣ ləw τaa si pa yookina-ɣ, ilena má tu-weyε nyá nin τaa.

⁸ Tənaɣale Palaki cəwa Tepola si: Ye ma na-ɣ tu pona, ilə maa polo. Ama ye n kaa polo, ilə maa puki.

⁹ Mpyuɣle Tepola si: Ma na-ɣ tu polo yaa. Ama paa n tala timpi nəɣəlu kaa sa-ɣ ké. Mpi tə, alb nin τaa ké Tacaa ká tu Sisela.

Iləna Tepola kuli na í na Palaki pá tεε Keteesi.

¹⁰ Mpyóɣú Palaki kreyela Nefətali na Sapuləɣ nyəma, na yəlaa iyisi naanəwa (10000) tisi si paa təɣi-ι, na Tepola maɣamaɣa náá polo tətə. ¹¹ Keni tu Hepeε ka faɣana Keni nyəma ləlaa mpa pa ké Moisi yəti Hoɣari pəyalaa təɣə. Iləna í polo í siki Saananim tun səsəɣ tεε ké Keteesi kin.

¹² Mpyóɣú Sisela nuwa si Apinowam pəyalu krawa Tapəw puɣu təw. ¹³ Iləna í koti ι yoolaa nasənaasa na nuuwa (900) ké Halose na pá tεε Kisəɣ ləw τaa.

¹⁴ Ntəna Tepola tə Palaki si: Polo pa təw, saɣa ke Tacaa tɣi Sisela ke nyá nin τaa, na ι maɣamaɣa ι ká wεena nyá waali.

Mpyóɣú Palaki tiɪwa Tapəw puɣu na ι waali ké yoolaa iyisi naanəwa (10000). ¹⁵ Pa nika yoou, iləna Tacaa yele na Sisela yoolaa na ι keekena pá kuu-tε.

Haləna Sisela lu ı keeke taa, na í se nəəheε. ¹⁶ İlena Palaki tv ı kolontunaa na pa keekena waali, na í tana-weye Halose. Na í heeli pa yoolaa təna pə ta səə paa ıləyov pəyaya.

¹⁷ Mpyóyó Sisela sewa na í polo Keni tv Hepeε alv Yayεε te. Mpi tə, wulav Yapeη yelaa na Hepeε nyóma paa we təma na leleη ké. ¹⁸ İlena Yayεε lu na í səη Sisela na í təmı-ı sı: Ta caa, svv ma te cəne, taa nyana pvlv.

Sisela svvwa Yayεε cokəle taa, ılena í həntı na alv ıni í waası ı təə ké pvvv. ¹⁹ Mpyóyó apalv ıni ı təma-ı sı: Ləkətv təkə-m ké, ha-m lvmaya na má nyəə.

İlena alv cosi naaləm ke huluyv taa na í ha-ı na ı nyəə, na í taηanı-ı pvvv waasv.

²⁰ Mpyvle Sisela təma alv ıni sı: Səη cokəle nənəyə, na wei í pəsa-η sı nəyolv we cəne? İle n cə sı, aai.

²¹ Sisela ka kawaya tətəyətəyə, ılena í too ısu ı səpa. Mpyóyó Yayεε kpaγa pəəη cokəle kankanaya na kankanayv, na í kpətəna-ı təheε na í keesəna ı ləkpayasaya təə na í ká na í kpəna tetv na Sisela sı. ²² Pə waali ké Palaki sewa Sisela waali na í tala Yayεε te na Yayεε lu na í təmı-ı sı. Kəə, maə hvlı-η yvlv wei n pəkəyı tə.

Palaki svv cokəle taa, ılena í mayana ı hənta atε təcəmm, na kpatúyó tvv ı ləkpayasaya taa na í səpa.

²³ Kuyaku ηkvv İə yelaa na İseyeli nyóma kəli Kanaaη wulav Yapeη. ²⁴ Mpyóyó İseyeli nyóma kaasa pa təyı teu na təheε təheε pá kəə pá teesəna Kanaaη wulav ke kvv.

5

Tepola pa akaitv kawəyaya

¹ Kuyaku ŋku Tepola na Apinowam pəyalv Palaki
pa kəla Sisela təyɔ pa mapa kawəyaya si:

² Iseyeli nyuyv nyəma pona samaa ke yoo.

I sa Taca.

Samaa yoo na luyv kulomuyv.

I sa Taca.

³ Awulaa səsaa me, i nu yoo.

Awulumpiya me, mu welisi yoo.

Ma san Iseyeli Iso Taca.

⁴ Taca luna Seyii puyv,

ilena tetv svv seluyv.

I lu Itəm tetv taa,

ilena tev nāa nu.

⁵ Sinayi puyv sela səsəm ke Taca isentaa,

pəŋ selaa tərəŋ ke Taca isentaa.

⁶ Anati pəyalv Samkaa pəle taa

yəlaa caasi ya yem ké tetv taa ké.

Yayee pəle taa,

təntaa təyaya mpaan krai nyəŋ ké.

⁷ Iseyeli nyəma taa feina nyuyv tv,

kena Tepola kulv i naasi taa.

Pa taa feina aka nəyɔlv

ilena pa too Tepola kulv.

⁸ Tuŋ ke Iseyeli nyəma ləsaa

ilena yoo nāa tii təkpi.

Yoolaa tuutuuma me, kraluyv fei.

Yoolaa samaa me, ŋmantaaya fei.

⁹ Iseyeli nyuyv nyəma me, ma sama.

Luyv kulomuyv yoolaa me, ma sama.

I sa Taca.

10 Awulaa səsaa me, í pəsəna laakali.

Apila me, í pəsəna laakali.

Konyəntənaa mu pəsəna laakali.

11 Lum lulaa í sa Isə ké i kəpantv təə.

I sam-i kəpantv nti i lapa Iseyeli tə tə təə.

Iseyeli caya təpamm tə í sam-i.

12 Tepola, Tepola kuli na n waasi.

Kuli na n ma kawəyaya.

Apinowam pəyalv Palaki kuli.

Kuli, na n ce Iseyeli saləkatənaa.

13 Kaasəlaa ná kəla akanaa.

Tacaa yelaa na má kəli akanaa.

14 Ifəlayim nyəma pola tətəkəle taa.

Pencamee nyəma pola tətəkəle taa.

Awulaa səsaa luna Makii.

Yoolaa akewenaa ná luna Sapuləj.

15 Isakaa nyuyv nyəma təja Tepola na Palaki.

Isakaa yoolaa səsaa Tepola pa təə,

pa krenta təntə na pá polo tətəkəle taa.

Pə na pə mpv tə, Lurej nyəma ná paasəna təmnaa
həm ké.

16 Lurej nyəma paasəna kaləkəj wula nuw suwe?

Pa paasəna təmnaa həm ké.

17 Katv nyəma ta kəə, pa saala Yaatanv waali.

Təj nyəma ta kəə, pa saala kəpuləj taa.

Asee nyəma ta kəə, pa saala tənku nəyə.

18 Sapuləj nyəma ná tisaa na pá mv səm.

Nəfətali nyəma ná tisaa na pá polo təyoole.

19 Awulaa səsaa lu yoou.

Kanaa j awulaa lu yoou.

Pa luwa si pa yookina Tanaki.
 Pa yookina Tanaki ke Mekito lum nəyo.
 Pa laŋa wontu.
 Pa wu liyitee.

²⁰ Isətuləŋasi maɣamaɣa nά yoowa,
 hatoo si mpaah taa ké si yoona Sisela.

²¹ Kisəŋ ləw təyo kolontunaa.
 Ləŋtaa Kisəŋ ləw kpiisa-wε.
 Tə kaasi ta ti na tə nyəw toŋ.

²² Selaa tɔwa casəle.

Pa kpaŋanəŋ aɔwa wiina nteye kpakatam
 kpakatam.

²³ Tacaα isətαα tillu si pά təŋsi Melosi icatε ke mpusi.
 Si pά təŋsi tə yəlaα ke mpusi,
 pa ta lu Tacaα yoou.

Pa ta kəw si pa səŋna Tacaα yoolaa taa yoolaa.

²⁴ Pά kooli Yayεε ke kɔpantv.

Pά kooli Keni tv Hεpεε alv ke kɔpantv.

Pά kooli-i kɔpantv ke coka taa alaa taa.

²⁵ Sisela sələma Yayεε ke lum na ilé i cεle-i naaləm.

Tete naaləm ke i ha-i kalav taa.

²⁶ Yayεε kpaɣa kaŋkanaya na mpəle,

na í cə kaŋkanayv na ŋwaah,

na í ka Sisela nyuvv na í tvli púyú.

I kamaya na í yəki nyumprəyolaya.

²⁷ Sisela yela i ti na i hoti alv tεε təmaai.

I hanta atε təcəmm na í səpa.

²⁸ Sisela too taŋaa na í nyənəyənəna pətote.

Na í nəyəsəyi si: Pepe təw ké

Sisela kεεke ta tala ləŋ?

²⁹ Alaa ləmaɣasεε nyəma nά cə-i.

Ini i lēla pa kuvəcəvto nti si:
 30 Isəntə yoolaa kuu wontuŋ kē,
 na pā taləyi, ineyə pēelə yaa pēelaa naale.
 Sisela ke puvyu kuvəŋku yaa pəəŋ naale.
 Na mǎá paa puvyu kuvəpuyv
 yaa pəəŋ naaleye ma luyv tē.

31 Tacaa kolontunaa í səki mpv.
 I taapalaa náá teeki kəkə isu ilim lukuyv tə.
 Pəle pə waali Iseyeli tetv heesa pusi nule təcu.

6

Matiyan nyóma cəəsəyi Iseyeli nyóma

¹ Mǎpúyú Iseyeli nyóma tasa lapv ke mpi pə ta maya Tacaa tə. Uena ílé i tu-weyə Matiyan nyóma niŋ taa kē pusi nule təcu. ² Matiyan nyóma cəəsə-weyə səsəm kē. Uena Iseyeli nyóma se na pā cəəsə pulasi taa, na kuvkraməŋ pəəŋ taa. ³ Ye Iseyeli nyóma í tuuki pa tawa, íle Matiyan nyóma, na Amaleke nyóma, na ilim təlule təə təntaa pa krenti na ⁴ pā wati-we, na pā wakələyi pa kuvhaləm, haləna pā tala timpri pa yaa si Kasa tə. Paa kaasəyi pulv si pēle pā təyə. Na pā kpeŋna pa təla na pā kraaki. ⁵ Pa kəŋayana pa kaləkəŋ na pa coka kē. Pa na pa yooyoonaa paa we payale kē isu kvtoləŋ, pa fei kaluyv. Pa watəyi Iseyeli tetv kē na pā wakələyi-ti.

⁶⁻⁷ Iseyeli nyóma təyəna pa təyi teu ke Matiyan nyóma niŋ taa kē. Uena pā wiina Tacaa si í waasi-we. ⁸ Ntəna Tacaa kra-weyə Iə kvəyətəv teləsulv, na ílé i heeli-we si: Iseyeli Iə Tacaa yəyətəa si ma ləsəna-meyə Icipiti yomle taa. ⁹ Mǎ waasəna-meyə

Icipiti nyóma ninj taa, na má tǝǝnɪ mpa pa cǝsaya-me tǝ, na má ha-meɣe pa tetu. ¹⁰ Haləna má heeli-me si, maɣale mə Iso Tacaa. Ue í taa nyana Amolii nyóma mpa pa tetu taa í we isəntǝ tǝ pa tuɪ. Ama í ta nuna-m.

Tacaa ləsa Ketiyǝn si í waasi Iseyeli nyóma

¹¹ Mǝyǝ Tacaa isǝtaa tillu kǝma Ofəla na í caya Apiyeseɛ lǝlǝɣu tu Yowasi haləm taa ké tɣu nakuli ku tɛɛ. Na Yowasi pǝɣalɔ Ketiyǝn ɲmela lɛsɛn tǝnyaasəle, na í makɪ tǝǝnaya si Matiyǝn nyóma í taa na-i. ¹² Tǝnayaɣe isǝtaa tillu lu i tǝǝ na í tǝm-i si: Yoolaa taa aka nyá, Tacaa we nyá waali.

¹³ Kɛlena Ketiyǝn nǝɣǝ tǝkpaɪ si: Aai, ma cɛ, ye Tacaa ka we tá waali, pepe tǝǝ ké tǝ tǝki wahalanaa panɛ? Na lɛye piti tǝma nna a tǝm tá caanaa kɛsa-tu si i lapa-weɣe waatu wei i ləsa-weɣe Icipiti tǝ a weɛ? Pǝpǝtu fɛi lɛlɛn, Tacaa lǝ-tɣu, na í tu-tɣu Matiyǝn nyóma ninj taa.

¹⁴ Mǝyǝ Tacaa pəsəna Ketiyǝn tǝǝ na í tǝm-i si: Pona toma wena n wena mpu tǝ, na ɲ waasi Iseyeli nyóma kɛ Matiyǝn nyóma ninj taa. Ma maɣamaɣa ma tiliyina-ɲ. ¹⁵ Ntɛna Ketiyǝn si: Hai, Tacaa, maa waasi Iseyeli nyóma na ma we? Mpi tǝ, tá tǝyaya ta kɛ pǝlǝɣu Manasee lǝlǝɣu nyóma taa. Pǝcǝ ma tu ké pǝyaya ntǝ.

¹⁶ Mǝyǝ Tacaa si: Maa weɛ nyá waali ké, na ɲ tǝlǝki Matiyǝn nyóma isu yulɔ kulɔm.

¹⁷ Ulena Ketiyǝn si: Ye mpu la na má nyi tǝkelekele si Tacaa nyá, nyá yǝɣǝtǝǝnana-m. ¹⁸ Sǝɲ na má kǝna-ɲ ku cǝɔ na pǝcǝ ɲ tɛɛ.

Tacaa si: Polo na ɲ kǝɔ.

19 Ketiyõη polaa, uena í kú pəfate na í təsi na í tu potopotonaa mpa pa taa kúkusum fei təγə səsəm. Uena í kuuli nantv ke tokiya taa, na yom ke nyanaya taa na í pona Iso isətaa tillu ke tγv səsəηkú ηkú kú tεε. 20 Uena isətaa tillu təm₁₋₁ si: Polo na ή su nantv na potopotonaa ke kúkramvγv kúne kú təə na ή pə yom.

Uena Ketiyõη la mpv. 21 Ḿpúγó Tacaa isətaa tillu tokina nantv na potopotonaa mpe na ι kprátúγó. Uena kəkó lu kúkramvγv taa na ká nyaga pə təna. Na isətaa tillu náá múkí yem. 22 Tənaγale Ketiyõη cekənaa si Tacaa isətaa tillu ké. Uena í yaγa kapuka si: Hai, ma təm tεma. Ma nawa Iso isətaa tillu isəntaa.

23 Ama Tacaa ná təma₁ si: Nyá lanje í taa wakəli, n kaa sí se.

24 Mpvγvle Ketiyõη ηmawa Tacaa ke kətaya təlate, na í ha-tεγe hətε si Tacaa hεesəγəna lanja. Kətaya təlate nté tə wε haləna sanja ke Apiyeseε nyəma icate Ofəla taa.

Ketiyõη yəka tγv Paali təlaale

25 Ḿpúγó Tacaa heela Ketiyõη ke ahoo an₁ si: Kpa nyá caa latəce kufalv, na ή tasa naale nyəη wei ι wena pus₁ naatosompəγəlaya tə. Uena ή yəki nyá caa təlaale na ή kpes₁ tesika ηka pa laaki tə. 26 Uena ή ηma-m kətaya təlate ke pγv kúne kú nyvγv taa na ή kpaγa tesika ηke ka taasi na ή lana kətaya ηka kəkó lusa ka təna tə na latəce naale nyəη.

27 Uena Ketiyõη ləsi ι təmle nyəma ke naanvwa, na í lá is₁ Tacaa keesa₁ təγə ahoo. Mpi tə, ι nyanayana ι caa təyaga nyəma na icate yəlaa ké. 28 Pə fema na icate nyəma kuli tanəη tεε təhulu, uena pá mayana pa yəka tγv na pá kpes₁ tesika. Na pá lá latəce naale

nyəŋ ke kətaya ŋka kəkə lusa ka təna təyɔ kətaya təlate nte pa ŋmawa tə tə tə. ²⁹ Mpuɣule pa pɔɔsa təma si: Awe mayamaya lapəna mpu?

Icate nyəma cekənaa si Ketiyəŋ lapəna mpu. ³⁰ Uena pá tó i caa Yowasi si: Ləsi nyá pəyalu na tó ku-i. Mpi tə, i yəka təlaale, na í kpesi pəcəlɔ tesika.

³¹ Mpuɣule apalu inɪ i cəwa mpe inɪ si: Mə nyəntu suweye tɔyɔ ŋku ku təm taa? Ye pə cəpa wei si i seəkəna ku tə, isu pɔntu səpa na pəcɔ pə nyaali. Ye ku ke tɔyɔ, ku yoo ku mayamaya ku yoo. Mpi tə, ku təlaale ke pa yəkaa.

³² Kuyaku ŋkuyɔ pa ha Ketiyəŋ ke hətɛ si: Yelupaali. Pə nyuyɔ nté si: Paali í yoo i ti yoo. I təlaale ke pa yəkaa.

Ketiyəŋ pɛkəyi Iso luyɔ nyəntu

³³ Mpuɣú kuyaku nakuli Matiyan nyəma, na Amaleke nyəma, na ilim təlule tə təntaa kotaa, na pá tɛsi Yaatanɪ na pá polo pá puli Sisilee tətəkəle taa.

³⁴ Uena Iso Feesuyɔ tii Ketiyəŋ tə na í yaya apalu tutuyɔ si Apiyeseɛ lɔlɔyɔ nyəma í tu i waali. ³⁵ Na í tili tətəyɔ Manasee nyəma kin si apalaa í lu na pá tu i waali, na í yaa Asee nyəma, na Sapuləŋ nyəma, na Nefətali nyəma, na pa təna pá sɔɔsi i tə.

³⁶ Mpuɣule Ketiyəŋ təma Iso si: Ye tampana si nyá toŋ ke maa waasəna lseyeli nyəma isu n ka yəyɔtuyɔ tə. ³⁷ Tə, maa pə heu kəŋle ke Kataya taa. Ye cəlɔ kpa-tɛyɛ ahoɔ na atɛ náá wɔlaa, ilɛ tənaya maa nyəna si nyá toŋ ke maa waasəna lseyeli nyəma.

³⁸ Uena pá la mpuɣú teitei. Tɛv fema tanaŋ na Ketiyəŋ nyaasi kəŋle nté, uena lɔm lu na pá su poosiya. ³⁹ Ntəna í tə Iso si: Hai, yele má tasa-ŋ natəlɔyɪ pɔɔsuyɔ. Taa mu-m na pááná. Ma caa si í

tasa-m puluyv hulyv ke təm kvlom. Pənentε cəlɔv í kpa tetv tɔɔ tike, na kəɲle náá wɔlaa.

⁴⁰ ɪlena ɪsɔ mv Ketiyəɲ nəɣɔ ke ahoɔ anɪ na kəɲle náá wɔli na cəlɔv kpa tetv tɔɔ tike.

7

Ketiyəɲ yoolaa ηmυnυyv na nunυwa (300) təm

¹ Ⱥpύγύ Ketiyəɲ na ɪ yoolaa pa kɔla ləɲ ke tanəɲ nakɔli na pá polo pá puli Halotɪ hite nəɣɔ, na Matiyəɲ nyəma náá puləna ilim ntəɣəɲ tɔɔ ké Molee pulayə cəlɔ.

² ɪlena Tacaa tɔ Ketiyəɲ sɪ: Nyá yoolaa kəla tɔɔv, ma kaa tv Matiyəɲ nyəma ke nyá niɲ taa, na pə kəɔ na ń sa nyá tɪ sɪ nyá toɲ ké n lapənaa. ³ Mpv tɔ, heeli-we sɪ, səɣəntɔnaa í məli təyayə.

Mpvυle yəlaa iyisi hiu na naale (22000) məlaa, na pə kaasɪ yəlaa iyisi naanυwa (10000) tike. ⁴ Ⱥpύγύ Tacaa təma Ketiyəɲ sɪ: Nyá yoolaa kəla tɔɔv tɔtɔ. Tiina-weɣe ləɔv nəɣɔ, na ma maɣamayə má tɔɔsɪ potaa na cayalaa.

⁵ Yoolaa tiɪ təna, ɪlena Tacaa heeli-ɪ sɪ: Fəɣə mpa paa tí lvm na niɲ ɪsu hasɪ tɔ, na pa mpa. Na mpa paa luɲ akula na pá nyəɔ tɔ na pa mpa.

⁶ Ⱥpύγύ pa taa yəlaa ηmυnυyv na nunυwa (300) tiwa lvm ɪsu hasɪ. Pə kaasa mpa ɪlena pɛle pá luɲ akula na pá nyəɔ. ⁷ Ntɛna Tacaa heeli Ketiyəɲ sɪ: Yoolaa ηmυnυyv nunυwa wei ɪ tiwa lvm tɔ mpe pa niɲ taa ké maa tv Matiyəɲ nyəma na pá waasɪ ɪsɛɣeli nyəma. Pə kaasa mpa tɔ, paa wei í məli ɪ tɛ.

⁸ Ⱥpύγύ Ketiyəɲ suwa yəlaa ηmυnυyv na nunυwa (300) ɪnɪ na í mv kpentaa təɣənasi, na pa tutuun na pɛle pá məli təyayə.

Na Matiyəñ nyəma náá sika tətəkəle taa ké mpe pa pəteε.

Pə hvla lseyeli nyəma si paa la akanaa

⁹ Mpyóyú Tacaa heela Ketiyəñ ke ahoο anı sı: Kuli na í tii Matiyəñ nyəma tesikile taa. Mpi tə, ma tu-weye nyá niñ taa ké. ¹⁰ Ye səyəntu we-η na tiıu, ıle n kpenna nyá təmlε tu Pula. ¹¹ N ká nu pa kuyəyətutu, ılena pə səəsi-η apalutu.

Ntεna í na Pula pá cεñ na pá polo pá tala tətəñle kancaalaya nyəntε. ¹² Na Matiyəñ nyəma, na Amaleke nyəma, na ilim təlule təə təntaa pilina tətəkəle tεna isu kutolon, na pa yooyoonaa náá we isu lum nəyə kanyəñ, pa fεi kaluyu. ¹³ Ketiyəñ pa tala mpv, ıle nəyəlv keesəyi ı taapalv nté toosee sı: Ma toosaa kεle sı ma ná potopoto nəyəlv^a na í pilimiyi tá tesikile na í yoonaa cokəle na í pəsi-teye krentəlası.

¹⁴ Mpyuyε ı taapalv nəyə təkpaυ sı: Isəna lseyeli tu Ketiyəñ ká kəli-tu təyə n na mpv. Isə tεma ı taa ké sı ı tuyı tá tənaya ı niñ taa.

¹⁵ Ketiyəñ nu toosee anı a kusεyεsətu, ılena í həntı atε na í sεε Isə. ılena í məli ı yoolaa kiñ na í tə sı: ı nyəkı na í kuli. Tacaa twa Matiyəñ nyəma ke mə niñ taa ké.

Matiyəñ nyəma sewa yem yem

¹⁶ Mpyóyú Ketiyəñ faya yoolaa ηmυnuyv na nuñwa (300) inəyi kpeka tooso, na í cεla-weye tutuun na heεñ sı pá pa kahulası təə. ¹⁷ ılena í tə-we sı: ı nyənəyənə-m yoo. Ye tə tala pa təsikile na má lapa isəna mpi ıle í la mpv. ¹⁸ Ye í nuwa má na ma həyəlvuyv

^a **7:13** potopoto nəyəlv: Potopoto nəyəlv, pεle pa tε təyənaya pεe naalı a potopotonaa ke pa keesəyi cəne.

nyóma tə hula tá tutuun, ɪe mu huli mə nyəŋ tətə na pə cəə na pə ta. Na í krenti na ɪ yəɣətəna nəɣə səsaya si: Tacaə na Ketiyəŋ pa nyóma nté tá.

19 Pə tapə ahoə heka ke waatv wei tanlaa layasəyi təma ɪe Ketiyəŋ na ɪ yoolaa nuniwa (100) kpekəle, pa tala kolontunaa təsikile tənaya təə kele. ɪlena pá huli pa tutuun na pá yəki pa heeŋ. 20 Ḿpúyú kpeka naale wei pə kaasaa tə, ɪlé ɪ lapə mpv tətə, na pá təkí kahulasí na niŋ mpətəŋ na tutuun ke niŋ ntəɣəŋ taa, na pá yəɣətəna nəɣə səsaya si: Tacaə na Ketiyəŋ paə təɣəna.

21-22 Ḿpúyú pa təna pa tama kolontunaa təsikile na pá səŋa pa təsəŋlənəə ke mpv, na pá təŋna tutuun huliɣv. ɪlena Tacaə lá na acufu svv Matiyəŋ nyóma yoolaa taa, na pá svv kiisuyv, na pá kvɣi təmaya pa taa pa tike. Ḿpúyú pa yawa na pá se na leləə mələna Pətí-Sita ke Seleta təə. Haləna pá tala timpi pa yaa si Apeeli-Mehola ke Tapaa cəə tə.

23 ɪlena pá yaa ɪseɣeli kpeka lenna, Nefətali nyóma, na Asee nyóma, na Manasee nyóma təna na pá təɣəni Matiyəŋ nyóma. 24 Ḿpúyú Ketiyəŋ tilaa na pá heeli ɪfəlayim nyóma ke pəəŋ taa si: ɪ tii ləŋ na í cə Matiyəŋ nyóma na í tan-weɣe Yaataní tətəsəle haləna Pətí-Pala.

ɪlena ɪfəlayim nyóma náá la mpv. 25 ɪlena pá kpa Matiyəŋ awulaa naale Oləri na Səri. Na pá kv Oləri ke Oləri kəkpaɣv təə, na pá kv Səri ɪɣe Səri tənyaasəle. ɪlena pá tayani kolontunaa waalı ke tɣv. Ḿpúyú pa pona Ketiyəŋ ke awulaa mpe pa nyəəŋ ke Yaataní waalı.

8

Ifəlayim nyəma pääná mnyv

¹ Μρύγύ Ifəlayim nyəma pəssa Ketiyəη na pääná si: Waatv wei n pukaya Matiyəη nyəma yoonav tə pə lapa isəna na ḥ ta yaa-tv?

Haləna pá na-ι pá yoo tə təo ké səsəm. ² Mpyvυle ι pəssa-we si: Pepe taa ké má na-me tə keesəyi? Tvυvυ pee kancaalaya nyəna υ takι lelen ke kantəkaya nyəna. Pə tapvυvυ nté si: Mpi mu lapa tə, pə tee mpi tá lapa tə təcayacaya. ³ Iso yelaa na í kv Matiyəη awulaa Oepi na Sepi. Mpv tə, pepe taa ké má na-me tə keesəyi?

Ketiyəη yəγəta mpv, ilena Ifəlayim nyəma pääná hee.

Ketiyəη ke Yaatanι ilim təlule təo

⁴ Μρύγύ Ketiyəη pa tesa Yaatanι na pá kawa tətəγətəγə. Paa na mpv na pá tayanι pa kolontunaa waali ke tvυvυ. ⁵ Pa tala Sukəti, ilena Ketiyəη tə icate nyəma si: İ ha ma yoolaa ke təγənaγa, pə nu-weye. Mpi tə, tə təηna Matiyəη awulaa Sepa na Saləmunaa ke təγənvυvυ ké.

⁶ Mpyvυle icate nyvυvυ nyəma pəssa-ι si: Pepe təo ké n caa si té cəle-η təγənaγa na ḥ ta kpata Sepa na Saləmunaa? ⁷ Tənaγale Ketiyəη nəγə təkpaυ si: Tacaα í tvwa Sepa na Saləmunaa ke ma niη taa, maa cəli-me na wulaya tetv taa səwa na səsəvnaa.

⁸ İlena pá teena Penuweli, na Ketiyəη sələmi kvlvmtv ntəyi icate nyəma, na pəle pá cə-ι teitei isυ Sukəti nyəma. ⁹ Μρύγύ Ketiyəη heela-we si: Ye ma lapa aka na má mələa, maa γəki mə icate taa ate na isə kutuluγυ səsəvυ.

¹⁰ Sepa na Saləmuna pa yoolaa paa we Kaləkəə, na pə kaasa-weye iyisi naanowa na kakpası (15000). Isəna pu kaasa ilim təlule təntaa təyəle. Mpi tə, Ketiyəwe pa tēma yəlaa iyisi nunowa na hiu (120000) ke kuyv. ¹¹ Uena Iseyeli nyəma keli mpaav ηku ilim təlule təntaa təhəyi təyə Nopa na Yorowa pə ilim təlule təə, na pə kpheli pa kolontunaa. Pəcə pəle paa nyəma sı pa lu-təyi. ¹² Uena Matiyə awulaa Sepa na Saləmuna pə se. Ama Iseyeli nyəma təyəna-we na pə kra-we na kolontunaa kpekəle təna laηa pəsi.

¹³ Ketiyə pa luna yoo na pə kpen, uena pə kraγa Həlesi ikrakpav mpaav. ¹⁴ Mpyəy i kra Sukəti ifepu nəyəlv na i pəəsi-i, uena ilé i ηmaa-i icate ηté tə nyuyv nyəma həla. Pa we yəlaa nutoso na naanowa na naatosompəyəlaya. ¹⁵ Pə waalı ké Ketiyə polaa na i mayana Sukəti nyəma na i tə-we sı: I təəsi nti i ka tuv-m sı paa pə nu ma yoolaa i kaa ha-weye təyənaγa sı ma ta kpata Sepa na Saləmuna tə. Təv, mpeyelə ma kra cəne.

¹⁶ Uena i caa wulaya tetv taa səwa na səəsənnaa na i həna Sukəti nyuyv nyəma ηkraηη. ¹⁷ Uena i yəki Penuweli icate taa ate na isə kutuluyv na i kú yəlaa.

¹⁸ Pə waalı ké Ketiyə pəəsi Sepa na Saləmuna sı: Yəlaa mpa pa kəwa Napəə tə pa we isəna təə? Uena pə cə sı: Pa nəyəsəna-η ké. Pa cəγa ké isv wulav piya.

¹⁹ Mpyəyle Ketiyə sı: Ma taalvnaa ké, ma na-we ta too kəlv. Ma tuukina Taca sı ye i taa kú mpe iηi, ma mayamaya ma taa kv-me tətə.

²⁰ Uena i tə i pəyalv kancaalaya nyəη Yeteε sı: Polo η kv-we.

Ama pəyaya ta pəsi na kə kvı ka layate. Mpi tə, kaa kəla kəəsuyv, uena səyəntv we-ke. ²¹ Ntəna Sepa na

Saləmuna pá tō Ketiyōn si: Kū-tuyū nyá maɣamaɣa, yulokpasu təmle ké.

Ḳrúyō Ketiyōn kūwa awulaa mpe pa naale, na í wəɣsi pa yooyoonaa luuy tee kawulaya wola təlanaa.

Ketiyōn sām

²² Ḳrúyō Iseyeli nyéma tōma Ketiyōn si: Təɣə tá tō ké kawulaya, nyá waali ké nyá piya na pele pa piya. Mpi tō, nyá yarəna-tuyū Matiyān nyéma niŋ taa. ²³ Ntəna Ketiyōn si: Aai, pə taɣa má yaa ma pəyaya nakəli kaa təɣəna mə tō ké kawulaya. Ama Taca kele mə wulau.

²⁴ Ule nti ma sələməɣi-me təɣəle si paa mə taa wei í ha-m kukuule nte i hika kolontunaa te tō.

Matiyān nyéma ka ké Isəmayeli nyéma, ile paa wəna kukuwee ké. ²⁵ Ulena pá tisi si paa cele-i na luyū kulomuyū.

Ḳrúyō Ketiyōn pəwa toko na pá pətəɣi pa ŋkraŋyarəlasɪ nsəɣi pə tō. ²⁶ Na kukuwee anɪ á lu isu kiloona hɪu. Na pə́cə pə́ kaasi kacəka kukuwee isu ŋkraŋyarəlasɪ, na tokonaa kuseema kɪpama mpa Matiyān awulaa suukaya tō, na pa yooyoonaa təlanaa. ²⁷ Ulena Ketiyōn luw katəlaa toko wei pa pəəsəɣəna Taca ke təm tō na í tó wolanaa mpeɣe i tō, na í su Ofəla ɪcate taa. Ḳrúyō Iseyeli nyéma suw toko inəɣi laaw na í pəsi Ketiyōn na i təyaya nyéma ke katəka.

²⁸ Pə kraɣaw waatu inɪ təɣə Iseyeli nyéma ŋmakəla Matiyān nyéma, pa ta tasa pa təɣi hikuyū. Ulena tetu heesi pusi nule təcu. Haləna Ketiyōn na i sām.

²⁹ Ḳrúyō Ketiyōn məla i te na í caɣa təna. ³⁰ I pəyalaa ka we nutoso na naanəwa ké. Mpi tō, i ka

wɛna alaa paɣale ké. ³¹ I alv səkpelu nyəŋ wei i ka wɛ Sikem tɔ i lula-i apalupəyaya, pa yaa-ke si Apimeleki. ³² Kpatəlaya kupaŋka ke Ketiyəŋ səpənaa na pá pimi-i i cəsɔ səsɔ Apiyeseɛ pəlaav taa ke timpi paa pima i caa Yowasi tɔyɔ Ofəla ɪcate taa.

³³ Ketiyəŋ səpa mpv, ɪlena lɛyɛli nyéma taɣani tun laav taa ké məlvɔv, na pá laaki pa tɔyɔ ŋku pa yaa si Paali-Poli tɔ. ³⁴ Pa ta tɔɔsi pa lɔw wei i yapa-wɛyɛ kolontunaa mpa pa cəɔna-wɛ tɔ pa niŋ taa tɔ. ³⁵ Paa na Ketiyəŋ ka lɔpa pa tɔw ké teu tɔ, pa taa nəyɔlv ta tɔɔsi i tɔyaya nyéma tɔw.

9

Apimeleki pəsa Sikem wulav

¹ Mpɔyɔ Ketiyəŋ pəyav Apimeleki pola i ikpenaa ke Sikem na í tɔ pá na i too lɔlvɔv nyéma təna si, ² pá pɔɔsi ɪcate nyéma si: I caa si Ketiyəŋ piya nutoso na naanɔwa í tɔyona mə tɔw ké kawulaya yaa yɔlv kɔlvɔm? ɪle í tɔɔsi si mayale mə kəyɔpu.

³ Ntəna i ikpenaa polo na pá heeli təm ntəyi Sikem ɪcate nyɔyɔ nyéma. ɪlena pɛle pá tv pa taa si paa sɛɛna i tɔw. Mpi tɔ, i ké pa yɔlv ké. ⁴ ɪlena pá ləsi pa tɔyɔ ŋku pa yaa si Paali-Peli tɔ kv kutuluyɔ taa ké liyitee nyəyətɔv nutoso na naanɔwa na pá ha-i. Anəyi i fɛla tɛtɛlataa, na mvsəŋtənaa, na pá tɔv i waali.

⁵ ɪlena pá polo i caa tɛyɛ Ofəla, na í kú i tɛtənaa nutoso na naanɔwa inɪ i tənaya kvkpamuyɔv kɔlvɔmuyɔv tɔw. Pa taa səkpelu kɔlvɔm Yotam tike sena na í ŋmeli. ⁶ ɪlena Sikem na yoolaa tɛ yəlaa təna koti na pá polo ɪcate tɔyɔv kɔlalaav tɛɛ, na pá kpaali si Apimeleki pəsa wulav yoo.

Yotam sɛɛ yəlaa ke ɪsɔ

⁷ Yotam nu mpv, ɪlena í kra pɔvɔv Kalisim nyvɔv taa na í kiisi si: Sikem nyəma me, ye í caaki si Iso í nuna-me, ɪle í ke ŋkraŋ.

⁸ Kɔyakv nakvɔlɔɣi tuŋ tɔwa si ɪ kraaki wulav. ɪlena í tɔ tɔvɔ ŋku pa yaa si Olifi tɔ si: Tu kra-ŋ tá wulav.

⁹ Tənaɣale Olifi tɔma ɪ taapalaa si: Ma yeki nim mɔlvɔv nté na Iso na yəlaa pa laŋa hɛɛna-m ɪlena má kɔvi ma ti si ma tɔki tuŋ tɔv ké kawulaya na?

¹⁰ Mpɔvɔvle tuŋ yaa ŋku pa yaa si fiki tɔ si: Kɔv na tɔ kra-ŋ tá wulav. ¹¹ Tənaɣale fiki si: Ma yeki ma pee lelen nyəna anəvi ɔlvɔv ntəna má kɔvɔv ma ti si ma tɔki tuŋ tɔv ké kawulaya na?

¹² ɪlena í yaa tɔvɔ ŋku pa yaa si lɛsɛŋ tɔ si: Nyaa kɔv na tɔ kra-ŋ tá wulav.

¹³ Ntəna kɔle kv cɔ si: Ma yeki svɔm puuu nté si Iso na yəlaa pá yəɔləna-m, ɪlena má kɔvɔv ma təvi yem si ma tɔki tuŋ tɔv ké kawulaya na?

¹⁴ Pə waali ké tuŋ təna kɔpntaa na í mayana sɔwa hotiya na í tɔ-ké si: Kɔv na tɔ kra-ŋ tá wulav. ¹⁵ Ntəna sɔwa hotiya tɔ-we si: Ye tampana si í caa má la mə wulav, í kɔv na í cɔvsi mə tənaya ma ɪsotom taa. Ye pə taya mpv kəkə ká luna ma sɔwa taa, na ká nyaya na ká kɔpntəna Lipaŋ tuŋ sɔsɔŋ.

¹⁶ M'pɔvɔv Yotam tasaa si: ɪsu mə kraavɔv si Apimeleki kele mə wulav tɔ tampana nté? Ketiyəŋ lapa-meyɛ təma sɔsɔna wena tɔ í tɔvsa a tɔv na í la í na ɪ təyaya nyəma ke kvpantv na?

¹⁷ Ma caa yoo mə yoo na í si mə səm na í waasi-meyɛ Matiyaŋ nyəma niŋ taa. ¹⁸ ɪlena saŋa mu lu ɪ nyəma waali, haləna í kó ɪ piya nutoso na naanvwa ke kvkramvɔv kɔlvɔv tɔv. ɪlena í kra Apimeleki ke Sikem wulav si ɪlé ɪ ké mə kəvɔv. Pəcɔ Ketiyəŋ yom av nyəŋ pəyaya nté.

¹⁹ Ama ye kvpantv ke ɪ lapa Ketiyəŋ na ɪ təyaya

nyóma, ile Apimeleki í heesi mə lanja na mu heesi ı nyəntε. ²⁰ Ye pə taya mpυ kəkə í luna Apimeleki taa na ká nyaya Sikem na yoolaa te yəlaa, na kəkə lu pele pa kinj na ká nyaya Apimeleki.

²¹ Yotam tema mpυ, ilena í se ı teetu Apimeleki na í polo í ηmeli Peela.

Sikem nyóma kula Apimeleki tə

²² Apimeleki təγə kawulaya ke lseyeli ke pusi tooso. ²³ Pə waali ké lso yelaa na Sikem nyóma taa krentəna təma. Ilena Sikem nyóma kuli Apimeleki tə. ²⁴ Pə lapa ηpύγύ si ı teetonaa mpa Sikem nyóma ka səna-ı na pá kv tə, pa səm í məli í na-we pa nyəəη taa, na pə leeti-ı. ²⁵ Pa caakaya si pá hiki Apimeleki, ilena pá pona yəlaa ke pulasi taa na pá papı təna, na mpaav təntv wei í teeki, ile pa leeki ı wontu. Múpύγύ wulav nu-tı.

²⁶ Múpύγύ kuyaku nakuli lpeti pəyalv Kaali na ı teetonaa pa pola Sikem, na ıcate nyóma la-weye naani. ²⁷ Ilena pá polo pá kóólí tıη wei pa yaa si lesəηnaa tə na pá lá pə solvm na pá nyəə, na pá ηmaali. Na pá svv pa tıγv kutuluγv taa, na pá təγə na pá nyəə tətə. Ilena pá tvv Apimeleki. ²⁸ Haləna Kaali tə si mpaγa Sikem nyóma? Na pepe təə ké tu nyana Apimeleki? Awe nyəma-ı? Ntəη Ketiyəη pəyalv keke? Sepuli keke ıcate nyvγv tv, ta kaa nuna-ı. Mə cəsə Hamoo wei ı ké mə kpekəle nyvγv tv təγə pə weε si í se. ²⁹ Ye maa kena ıcate nyvγv tv, maa təγəna Apimeleki ké. Apimeleki í tayanı ı yoolaa na í kəna na ma na-we tə yoo.

³⁰ ıcate nyvγv tv Sepuli nu Kaali təm ntı, ilena ı pááná huu. ³¹ Na í tili mukaya na í heeli Apimeleki si: Kaali na ı teetonaa pa kəma Sikem na pá yoosiγı

nyá na ɪcate nyóma. ³² Mpu tɔ, pə wɛɛ sɪ nyá na nyá yəlaa í polo ahoo na í papɪ-ɪ tawa taa. ³³ Na cele tanaŋ í tii ɪcate tɔɔ ké ilim luw waatu, na í na ɪ nyóma pá lukɪ nyá tɔɔ, ɪlena n̄ nyɪ ɪsəna n̄ ká lana-wɛ tɔ.

³⁴ Mpyó Apimeleki faya ɪ yəlaa ke tɔm liyiti na pá polo pá papɪ Sikem ɪcate waali. ³⁵ Waatu wei Kaali luwa na í səŋ ɪcate nənəɔ, ɪlena Apimeleki na ɪ yəlaa pá lu təŋmelle. ³⁶ Kaali na-wɛ, ɪlena í heeli Sepuli sɪ: Nyəni, yəlaa watuyu pulaya na pá tiiki yee. Ntəna Sepuli nəɔ təkpaɪ sɪ: Pulaya isotom ke n yaa sɪ yəlaa na?

³⁷ Kaali ta tisi, ɪlena í tɔ sɪ: Nyəni, yəlaa tiikina na heku taa pulaya tɔɔ. Na tintiyile lentɛ ná tɛsəɣɪ pee pɔsəlaa tɔɣu kulalaav mpaav.

³⁸ ɪlena Sepuli tɔ sɪ: Tasa kpesuyu ɪɛ. Matəŋ n təŋaya cəne sɪ: Aweyɛ pa yaa Apimeleki na táá nukəna-ɪ? Tɔɔ, ɪ na ɪ yəlaa mpa n tɔkaya tɔ pa kəŋna nté. Polo nyá na-ɪ í yoo ɪɛ.

³⁹ Mpuɣɔle Kaali tɛwa Sikem nyóma ke nəɔ na pá na Apimeleki pá naali yoo. ⁴⁰ Apimeleki suu ɪ tɛɛ, ɪlena ɪni í kuu-te na pá tɔ təma waali, na pá ku yəlaa ke səsəm na pɛ́cɔ́ pá takɪ ɪcate nənəɔ. ⁴¹ ɪlena Apimeleki polo na í caya Aluma na Sepuli náá təɣəni Kaali na ɪ tɛɛtɔnaa sɪ pá taa məli Sikem taa.

⁴² Tɛv fema, ɪlena Sikem nyóma tayanɪ pa tɪ sɪ pa puki tawa taa na pá tayasi-təɣɪ Apimeleki. ⁴³ ɪlena í faya ɪ yoolaa ke kpeka tooso, na pá papɪ təna. Waatu wei ɪ ná Sikem nyóma lu ɪcate nənəɔ, ɪlena í tii pa tɔɔ ké kpaɣaa. ⁴⁴ Ntəna Apimeleki na kpekəle lentɛ pá polo na pá taŋ ɪcate nənəɔ sɪ kolontunaa í məli ɪcate taa, na kpekəle naale nyəntɛ náá nyala yəlaa ke tawa taa, na pá ku-wɛyɛ səsəm. ⁴⁵ Na Apimeleki

yoona ıate ke ilim na pə tɛm, na ı kv tə yəlaa, na ı wakəli-te na ı lɛeki-te. Ɔlena ı ɲmusı tə taa kə tɛm.

⁴⁶ Waatv wei Sikem ate na ıso kutuluɣu yəlaa nɑ mpv, ɟlena pɑ polo pa təna na pɑ svv tɣv Paalı-Peli kolonɟa kutuluɣu taa. ⁴⁷ Ɔlena Apimeleki nu sı pa polaa na pɑ ɲmeli təna. ⁴⁸ Mɣú ı pona ı yoolaa ke Salvməɲ pulaxa tə, na ı kpaɣa laale na ı setı tɣv piliɲa na ı həɟli-ke. Ɔlena ı heeli-we sı: Ɔ la ısu ma lapv təɟ ləɲ. ⁴⁹ Ɔlena paa wei ı setı ı piliɲa na pɑ tv ı waalı na pɑ pona taası na pɑ kaa tɣv kutuluɣu nəɟ, na pɑ tv kəkə. Ɔsəna Sikem ate na ıso kutuluɣu yəlaa səpa təɟle. Apalaa na alaa mpa pa səpa təna tə pa tala ısu yəlaa iyaxa (1000) ke mpv.

Apimeleki səm

⁵⁰ Apimeleki lu təna, ɟlena ı polo Tɛpɛsı ıate na ı nyala-te na ı lɛeki-te. ⁵¹ Tə taa ka we ate na ıso kutuluɣu ton nyəɲkv nakvli. Ɔlena ıate apalaa na alaa na nyvɣv nyəma polo na pɑ svv kv taa na pɑ təkı nənəɟ, na pɑ kpa nyvɣv taa na pɑ caɣa. ⁵² Mɣú Apimeleki kɣətəna kutuluɣu ɲkv kv nənəɟ sı ı tɣv kəkə. ⁵³ Ɔlena alv nəɟlv ı yaɣa ı nyvɣv taa kə nem na kú tvli. ⁵⁴ Mɣvɟle ı təma ı yoou wontu təkvlv sı: Kɣɛ nyá laɣate na ı tɛsı-m. Pɑ taa kə na pɑ yəɟtı sı alv kvna-m.

Ɔlena ifepu ıni ıle ı sə Apimeleki ke laɣate na ı sı. ⁵⁵ Ɔsɛɟli nyəma nawa sı ı səpa. Ɔlena paa wei ı məli ı tɛ.

⁵⁶ Ɔsəna Ɔso fɛləna Apimeleki ke ısaɣatv nti ı lapa ı caa, na ı kv ı tɛtvnaa nutoso na naanvwa təɟle. ⁵⁷ Pəyele Ɔso yelaa na pə fɛli Sikem nyəma ke pa ısaɣatv ke teitei ısu Yotam ka təɲsvɣv-weɣɛ mpusi tə.

10

Iseyeli nyóma paasənlaa ləlaa: Tola na Yayii

¹ Apimeleki səpa, ilena Isakaa kpekəle taa tu Puwa pəyalu Tola náá kuli. Toto saali kéle. Tola iní í waasəna Iseyeli nyóma. Samii ɪcate taa ké í ka we Ifəlayim pəəŋ nyəəŋ taa. ² Pusi hiu na tooso təcu ké Tola paasəna-we. Í səpa, ilena pá pimi-ɪ Samii ɪcate taa.

³ Ḿpúyú Kalaati tu Yayii ná ləeta Tola lonte na í paasəna Iseyeli nyóma ke pusi hiu na naale. ⁴ Í pəyalaa ka we yulu nyəəŋ hiu na naanɔwa ké. Paa wei na í kraŋaya na í ɪcate ke Kalaati həxəluyu taa. Halí pa təŋna təna-weye yaav si Yayii acaləe. ⁵ Í səpa ilena pá pimi-ɪ Kaməŋ ɪcate taa.

Amoni nyóma yookina Iseyeli nyóma

⁶ Ḿpúyú Iseyeli nyóma tasa lapu ke mpi pə ta maya Taca a tɔ. Pa suv Paalənaa na Asətətənaa ke laav. Pa laa tətəyɔ Silii nyóma, na Sitəŋ nyóma, na Mowapu nyóma, na Amoni nyóma, na Filiisi nyóma pa tuŋ. Pa ləwa Taca ké təkpataa, paa tasəyi-ɪ seu. ⁷ Ntəna Taca mɔ-we na pááná na í tu-weye Filiisi nyóma na Amoni nyóma niŋ taa. ⁸ Pə kraɣav waatu iní təyɔ pa suv Iseyeli nyóma mpa pa we tetu nti tə taa Amolii nyóma ka we Kalaati ke Yaataní waali təyɔ nuɣutuɣu, na pá tɣu-weye wahala. ⁹ Halí Amoni nyóma tesí Yaataní na pá yoonə Yuta nyóma na Pəncaməe nyóma na Ifəlayim nyóma. Ntəna Iseyeli nyóma lanle wakəli səsəm. ¹⁰ Ḿpúyú pa wiina Taca si: Ta Iso, tə wakələna-ŋ ké. Mpi tɔ, tə yela-ŋ na tɔ laaki Paalənaa.

11 Uena Tacaa náá pɔɔsi-we si: Waatu wei Icipiti nyóma, na Amolii nyóma, na Amoni nyóma, na Fil-iisi nyóma, ¹² na Sitɔŋ nyóma, na Amaleke nyóma, na Mawɔŋ nyóma, pa tu-meɣe wahala na í wiina-m tɔ, ma ta waasi-me? ¹³ Paa na mpɔ mə lɔ-m na í laaku tuŋ pə tɔ kɛ ma kisaa si ma tasəɣi-meɣe waasɔɣu. ¹⁴ ɪ polo na í yaa tuŋ wei í ləsaa na í laaku tɔ, na ílé í waasi-meɣe mə laŋwakəlle waatu.

15 Mɔpɔɣú Iseyeli nyóma tasaa si: Hai, Tacaa, tɔ wakəlɔna-ŋ kɛ. Lana-tuɣu isəna n sɔɔlaa tɔ. Ama waasi-tuɣu saŋa tɔtɔ.

16 Mpɔɣule pa lɔwa pa tuŋ wei paa laakaya tɔ, na pá məli pa lɔ sɛɛv taa. Uena pa wahalanaa tɔm la lɔ kɛ pətɔtɔle.

17 Mɔpɔɣú Amoni nyóma polaa na pá puli Kalaati nyóma hɔɣɔɔɣu taa. Na Iseyeli nyóma náá tɔŋna mɔpɔɣú lapu ke Misipa. ¹⁸ Uena kpeka yəlaanaa na pa nyɔɣu nyóma mpa pa we Kalaati tɔ pá pɔɔsi tɔma si: Tá taa awe ká tɛ́nɔ́-tuɣu nɔɣɔ, na í yoonə Amoni nyóma? Wei í polaa pɔntu ká pəsi Kalaati nyóma nyɔɣu tu.

11

Yefete pəsa Iseyeli nyóma nyɔɣu tu

1 Yooola taa yoolu nɔɣɔɔ ɪ ka wɛnna Kalaati, pa yaa-ɪ si Yefete, na ɪ caa si Kalaati, ɪ too ke apalaa tɔna alɔ. ² ɪ caa ɪni ɪ alɔ lɛɔ ka lɔla-ɪ apalɔpiya tɔtɔɣɔ. Sɔle si kɔma na sí lá yəlaa uena sí tɔɣɔni Yefete si: N kaa na ta caa kpancoou. Mpi tɔ, n kɛ ta caa nyutu taa pəyaya kɛ.

³ Μρύγύ Yefete sewa ι newaa mpe na í polo na í caɣa Təpu tetu taa. Uena yəlaa mpa pa we ɪsu ɪni tə pá koti ι kin na í na-we pá lukɪ kulɪw.

⁴ Pə taanɔaa, uena Amoni nyóma kəw na pá yookina Iseyeli nyóma. ⁵ Youu kəma na kú haŋ uena Kalaati səsaa polo Yefete waali ké Təpu tetu taa ⁶ si: Kəw na ń tee-tuyu nəɣə na tə polo tə yoonə Amoni nyóma.

⁷ Tənaɣale Yefete si: Matəŋ mə taa kpana-m na í təɣni-m ma te? Uena laŋwakəlle maɣana-me na í kəŋ ma waali suwe?

⁸ Ntəna səsaa si: Tə kəmaɣa si ń kəw na ń tee-tuyu nəɣə na tə yoonə Amoni nyóma na ń la tá na Kalaati nyóma tá nyuyu tɔ.

⁹ Kəlena í cə-we si: I mələnə-m si tə yoonə Amoni nyóma na Tacaa í tɔ-weɣe ma niŋ taa, ma la mə nyuyu tɔ na?

¹⁰ Mpuuyule səsaa si: Yee, tu la mpu. Tacaa kele tá aseeta tɔ.

¹¹ Μρύγύ Yefete təŋa Kalaati səsaa na yəlaa kra-ι pa nyuyu tɔ, na pá tɔ yoolaa tənaya ι niŋ taa. Uena Yefete ləli tə tənə nti ι na səsaa pa yəɣətəa na pá su təɣə Tacaa ɪsentaa.

Təmnaa mpa Yefete heela Amoni nyóma tə

¹² Μρύγύ Yefete tilaa na í pəəsi Amoni wulaw si: Ma na-ŋ suwe na ń kəw na ń yookina ma yəlaa?

¹³ Ntəna íle í cə si: Iseyeli nyóma luw Icipiti tə pa ləeka ma tetu ke pə kraɣaw Alənəŋ tə. Haləna pə polo Yarəki na Yaatanɪ.

¹⁴ Μρύγύ Yefete tasa tiluyu na pá heeli Amoni nyóma wulaw si: ¹⁵ Pə taya Mowapu nyóma na Amoni nyóma tetu ke Iseyeli nyóma ləekaa. ¹⁶ Mpi tə, Iseyeli nyóma luw Icipiti tə, wulaya tetu taa ké pa

təma, haləna pá tala Səsəncaasi Tenku. Pə waali ké pa mələna Kateesi. ¹⁷ Tənaɣa pa tilaa na pá sələmi Itəm wulau si: Ha-tuyu mpaav na tə fayana nyá tetu taa. Ama ílé ı kisa. Uena pá sələmi Mowapu nyóma na pele pá kisi mpu tətə. Uena pá saali Kateesi. ¹⁸ Pəle pə waali ké pa kpaɣa wulaya tetu mpaav na pá cəəli Mowapu na Itəm pa tetu na pá lu Mowapu ilim təhule tə. Uena pá siki Alənəŋ ləu nəɣə tənə, pa ta suu Mowapu tetu taa. Mpi tə, pele pa tetu tonə nté pəɣə ŋke. ¹⁹ Uena Iseyeli nyóma tili na pá heeli Amolii wulau Sihon wei ı təkaya kawulaya ke Hesəpəŋ tətə tə si í yele-we na pá fayana ı tetu taa na pá tee timpi pa puki tə. ²⁰ Sihon ná tá lá Iseyeli ke naani si í yele-we na pá fayana ı té. Uena í koti ı yoolaa na pá yoonə-we. ²¹ Uena Iso Tacaa tu-weɣe Iseyeli nyóma niŋ taa na pele pá kəli-we na pá leeki pa tetu tənaya həɣəlvu ŋku ku taa. ²² Pə kpaɣav Alənəŋ tetekəle na pə polo Yapəki ləu tə, na pə kəli ilim təhule tə wulaya tetu haləna pə polo Yaatanı. ²³ Iseyeli nyóma Iso Tacaa hana ı yəlaa taɣa nəɣə si tə leeki Amolii nyóma tetu. Uena nyaa caaki si n taɣanı-təɣi leekuvu na? ²⁴ Tetu nti nyá tuyu Keməsi ha-ŋ tə nyá kisa-ti? Mpu tətəɣə tá wəna mpaav si tə təɣə tetu nti ta Iso Tacaa ha-tu tə. ²⁵ Sipəə pəyalu Palaki wei ı ké Mowapu nyóma wulau səə tə, ílé ı wəna ton. Pəyele ı ta yoonə Iseyeli nyóma. Na aweɣe nyaya tənə. ²⁶ Pusi ŋmənuyu na nunuwa (300) kele Iseyeli nyóma caɣa Hesəpəŋ na Alowee na pəcələ acaləe taa na acaləe nna a we Alənəŋ ləu nəɣə tə a taa. Ue pepe tə ké í taa leeki-weɣe tetu ntəɣi waatu unı ı taa? ²⁷ Pə taɣa má pəntənana-ŋ. Ama nyá wakələna na má, haləna ní yookina-m. Tacaa wei ı huukəna yəlaa ke

təm tə, í hʊv ta na-me ta təm ke saŋa.

²⁸ Paa na mpv Amoni wulav ta yaa Yefete təm ntəyi pulv.

Yefete su nəɔ

²⁹ Mpyóyú Tacaa Feesuyú tii Yefete təə, na í cəə Kalaatí na Manasee tetv. Pə waalı kέ í pola Misipa ke Isə kin ke Kalaatí tetv taa, na í tée Amoni nyəma ke yoonav. ³⁰ Uena í su Tacaa ke nəɔ si: Ye n tv Amoni nyəma ke ma niŋ taa, ³¹ kancaalaya yulv wei í ká lu ma sənyv təɔ ma la-ŋ kətaya ŋka kəkə nyaya ka təna tə.

³² Mpyóyú Yefete ŋmaa Amoni nyəma toŋa na í yoonav-we na Tacaa tv-weye í niŋ taa. ³³ Uena í kəli-we na í ləkí acalée hiu ke pə kraɣav Alowee, na pə cəə Mini tə. Haləna Apeeli-Kəlanim. Iseyeli nyəma kv-weye səsəm kέ, uena pá tii təfe.

³⁴ Waatu wei Yefete məlaya í te Misipa, uena í pəelə lu í sənyv na í makí akilima na í paaki. I tike ke í ka lulaa, í feina apalvpiya yaa alvpiya lensi tətə. ³⁵ I loosa-í, uena í laŋle wakəli. Haləna í cəli í wontu na í tə si: Hai, ma pu, n kəŋna ma nyv taa kέ mpusi na í pəsəyi ma laakalı suwe? Ma tema ma nəɔ suv ke Tacaa, pə fei si ma tuli tapəŋ.

³⁶ Mpyvle í pəelə cəwa si: Ye n ka su Tacaa ke nəɔ, lana-m ísu n ka suv tə. Mpi tə, Isə ná lapa ílé í nyəntv na í ləeti nyá kolontunaa Amoni nyəma na nyá nəɔ.

³⁷ Uena í sələmi í caa si: Yele na má na ma taapalaa té kpa pulaya taa kέ isətvnaa naale na má wii. Mpi tə, ma səki na má ta saata.

³⁸ Uena Yefete tisi si í polo na í la isətvnaa naale. Mpyóyú í na í taapalaa pa kpa pulasi taa na í wii. Mpi tə, í səki na í ta saata. ³⁹ Isətvnaa naale tema, uena í

məli ı caa kiŋ na ilé ı lana-ı isı ı ká suw nəɣo tə, na ı sí na ı ta nyənta apəlv. Pə kraɣav waatu ıni təɣo lseyeli alaa suw wula ke ⁴⁰ paa pənaya ŋkaya kuyeyŋ liyiti liyiti ké Kalaati tv Yefete pəelə tə.

12

Ifəlayim nyəma na Yefete pa youu

¹ Mprúyú Ifəlayim nyəma kulaa na pá tesı Yaatanı na pá polo Safəŋ, na pá tó Yefete sı: Pepe tə ké n polaa na ń yoonə Amoni nyəma ke nyá tike na ń tá yaa-tv sı tó tv-ŋ niŋ? Mpv tə, tu sə nyá təyaya ke kəkə.

² İlena Yefete cə-we sı: Amoni nyəma caakaya ma na ma yəlaa na youu ké. Haləna tó yaa-me sı ı kəə na ı səna-tv na ı kisi. ³ ı kisa mpv, ılena ma sı ye səm səm. İlena má tesı toŋa na má yoonə Amoni nyəma na Tacaa tv-weyə ma niŋ taa. Təv, pepe tə ké ı kəma-m yoonav ke pənente?

⁴ Ifəlayim nyəma ka tvv Yefete-weyə sı: ı sewa tá teɣe na ı cəəsi Manasee nyəma kiŋ. Tənaɣale Yefete kreyela Kalaati nyəma na pá polo pá yoonə-we na pá kəli-we. ⁵ İlena Kalaati nyəma cə-weyə timpi timpi pa tesəɣəna Yaatanı tə. Ye nəɣəlv kəma na ı nəɣəsəna Ifəlayim tv, ıle pa pəəsi-ı sı: N ké Ifəlayim tv ke?

Ye ı cəwa sı aai. ⁶ İle pa təmi-ı sı: Mpv tə, yəɣəti sı cipoleti. İlena ilé ı pəntı sı sipoleti. Mpi tə, pəle paa pəsəɣı həte nte tə yaav ke teitei. ı pəntəɣı mpv, ılena pá kv-ı kprakraa ke Yaatanı tətəsəle təna. Ifəlayim yəlaa iyisi nule na naale (42000) səpəna tənaya waatu ıni.

⁷ Mprúyú Yefete paasəna lseyeli nyəma ke pusi naatoso. İlena ı sí na pá pimi-ı ı ıcatə kəlvllə Kalaati taa.

Iseveli nyovvu nyóma lelaa: Iṙəsəŋ na Iləŋ na Apətəŋ

⁸ Yefete waali ké Pətəlehəm tṽ Iṙəsəŋ ná paasəna Iseveli nyóma. ⁹ I lṽla apalṽpiya ke hiu na naanṽwa na alṽpiya ke hiu na naanṽwa. Mṙóyú i hawa i pɛelaa ke kpeka lenna nyóma na í caa i pəyalaa ke alaa ke kpeka lenna nyóma tətə. Pusi naatosompəɣolaya ke i tiika Iseveli nyóma. ¹⁰ Pə waali ké i səpa na pá pimi-i Pətəlehəm.

¹¹ Iṙəsəŋ waali ké Sapuləŋ tṽ Iləŋ ná paasəna Iseveli nyóma ke pusi naanṽwa. ¹² I səpa, ilena pá pimi-i Ayaləŋ ke Sapuləŋ tətṽ taa.

¹³ Iləŋ waali ke Pilatəŋ tṽ Hilili pəyalṽ Apətəŋ ná paasəna Iseveli nyóma tətə. ¹⁴ I lṽla apalṽpiya nule na i saalənaa ke hiu na naanṽwa na pá cakɪ kraŋasɪ nutoso na naanṽwa. Ilena Apətəŋ paasəna Iseveli nyóma ke pusi pələfɛi naanṽwa. ¹⁵ I kəma na í sí, ilena pá pimi-i Pilatəŋ icatɛ taa ke Ifəlayim həɣəlvəyṽ taa ké Amaleke nyóma tətṽ taa.

13*Samsəŋ lṽlvəyṽ*

¹ Mṙóyú Iseveli nyóma tasa lapṽ ke mpi pə ta maya Taca a tə. Pə təw ké ílé i tṽ-wɛɣɛ Filiisi nyóma nin taa ké pusi nule təcu.

² Tan lṽlvəyṽ taa tṽ nəɣəlv i ka wenna Sola, na pá yaaki-i sɪ Manṽwa. I alṽ ka ké kaalṽlaya ké i fɛi pəyaya. ³ Mṙóyú kuyaku nakulɪ Taca isəttaa tillu lu alṽ inɪ i təw, na í təmi-i sɪ: Ma nyóma sɪ n ké kaalṽlaya, ilɛ n fɛi pəyaya. Paa na mpṽ tə, n ká la teu na ń lṽl apalṽpəyaya. ⁴ Mpṽ tə, pə kraɣav pənɛntɛ tə, taa nyəw sṽlvəm yaa konyənyəwəm kəkəkəm napəli. Pəyele taa təɣə mpi Isə kisina-mɛ tə. ⁵ Mpi tə, n ka la teu na ń lṽl

apalopəyaya. Hönuyü kaa kpa ka nyuyü taa. Pə taya pulv, hatoo ka too lotu taa ké ka ké Iso nyəŋka, na ŋke kaa caaləna Iseyeli nyəma hetuyü ke Filiisi nyəma niŋ taa.

⁶ Ulena alv polo na í keesi i paalv si: Iso yulv nəyölv i luna nteye ma təə, i nyənyuyü we səyontv ké isv Iso isətaa tillu. Ma ta pəəsi-i timpi i lunaa tə. Pəcə ílé i ta tu heeli-m i həte. ⁷ Halv i heela-m si maa la teu, na má ləli apalopəyaya. Ue pə krayav pənentə tə, má taa tasa sulum ke nyəəv, yaa konyənyəəm kəkəkəm napəli. Pəcə má taa təyə mpi Iso kisina-tv tə. Mpi tə, pəyaya ŋke ka ké Iso nyəŋka ke hatoo ka too lotu taa ké, haləna ka səm.

⁸ Mpyuyvle Manəwa sələma Tacaa si: Hai, Tacaa, ma wiina-ŋ si ŋ mələna nyá yulv wei n tila tá kiŋ tə na í seyesi-tuyü nti nti tu təŋ pəyaya ŋka inu tu ləli tə ka təm taa tə.

⁹ Ulena Iso mv Manəwa kvsələmvtv, na í mələna isətaa tillu ke alv inu i kiŋ, na pə pana i we i tike ke taale, i paalv fei. ¹⁰ Ulena íləyə i təyi i paalv kiŋ na í yaa-i si: Kəə ləŋ, yulv wei inu i ka luwa ma təə ké kuyaku nakuli tə, i tayana məlvuy tətə.

¹¹ Ulena Manəwa təŋ i alv na pá polo yulv inu i kiŋ na í təmi-i si: Tete waali nyá yəyətəna na ma te alv na? Ulena ílé si: Nn maya.

¹² Ntəna Manəwa si: Ye pə kəma na pə la mpv, pepe na pepeye tu la pəyaya ŋke ka təm taa, na tə yele we?

¹³ Kələna Tacaa isətaa tillu si: Pə wee ké si nyá alv í kii mpi na mpi ma kisina-i tə. ¹⁴ Pə fei si í təyə ləseŋ pulv. Pəcə í taa nyəə sulum yaa konyənyəəm kəkəkəm napəli. Pəyele í taa təyə mpi Iso kisina-me tə. I təŋ pə təna mpi ma tv-i mpv tə.

15-16 Manɔwa taa cekəna si Tacaa isəttaa tillu, ilena í təmɪ-ɪ si: Caya na tɔ́ la-ŋ pəfate ke mɔvllɛ. Ntɛna ílé si: Paa ma caya ma kaa tɔ́ɔ tɔ́ɔnaya. Ue ye n sɔ́laa n la Tacaa ke kətaya ŋka kəkɔ nyaya ka təna tɔ. ¹⁷ Uena Manɔwa təmɪ-ɪ si: Heeli-tɔ́ɔ nyá hətɛ, na pɔ́ kəma na təm nti n heela-tɔ́ tɔ́ la, ilɛ tu sa-ŋ.

¹⁸ Kelena isəttaa tillu si: Ma hətɛ wɛ piti ké. Pepe tɔ́ ké n caa tə nyəm?

¹⁹ Ḿpɔ́ɔ́ Manɔwa kpawa pəfate na ɪ kɔ́hau na í lá Tacaa wei ɪ laki piti təma tɔ́ɔ kətaya ke kɔ́kɔmɔ́ɔ tɔ́. ɪ na ɪ alɔ́ pa tɔ́ŋna nyəɔnɔ́ɔ ke mɔ́ɔ, na ²⁰ kəkɔ náá mɔ́ɔ kətaya tɔ́latɛ, ilɛ pa ná Tacaa isəttaa tillu nté na í tɔ́ŋɔ́ kəkɔ ŋke na í kpaaki. Uena pá hoti atɛɛ pa isɛntɔ́. ²¹ Waatu ɪnəɔ́lɛ Manɔwa na ɪ alɔ́ pa cekənaa si Tacaa isəttaa tillu. Ue ɪ ta tasa pa tɔ́ ké luw tɔ́tɔ. ²² Ntɛna Manɔwa heeli ɪ alɔ́ si: Hei, Isɔ́ ké tə nawa yoo, isɔ́ tə sɔ́pa.

²³ Mɔ́ɔɔlɛ ɪ alɔ́ cɔ́-ɪ si: Ye Tacaa ka caakaya-tɔ́ɔ kɔ́ɔ, ɪ taa mɔ́ ta kətaya ŋka kəkɔ nyaya tə na tɔ́ɔnaya nyəŋka. Pəɛlɛ ɪ taa hɔ́lɪ-tɔ́ɔ pɔ́lɔ́ na í heeli-tɔ́ɔ natəlɪ.

²⁴ Ḿpɔ́ɔ́ Manɔwa alɔ́ lɔ́la apalɔ́pəyaya, na í ha-keɛ hətɛ si: Samsəŋ. Pəyaya tɔ́ŋna pɔ́w na Tacaa kooliyi-keɛ kɔ́pantɔ́. ²⁵ Ḿpɔ́ɔ́ Tacaa Feesuyi tiiwa ɪ tɔ́ ké təm kancaalaya nyəm ke waatu wei ɪ ka wɛ Taŋ təsikilɛ ke Sola na Isətawəlɪ pa hɛkɔ tɔ.

14

Samsəŋ kookalɪ kancaalaya nyəŋ

¹ Ḿpɔ́ɔ́ kɔ́yakɔ nakɔ́lɪ Samsəŋ pɔ́la Timna, na í ná Filiisi pɛ́lɔ́ nɔ́ɔ́lɔ́ na ɪ luɔ́ sɔ́ɔ-ɪ. ² ɪ kpɛma, ilena

í heeli ι nyóma ke ι təm si: Ma nawa Filiisi pɛɛlɔ nɔɟɔɔɟu Timna, ma caa si í caami-ι.

³ Mpuɟule ι nyóma cɔ-ι si: Isu n ta na pɛɛlɔ nté nyá piitim nyóma taa na nyá yɔlaa taa, na ń puki si n caaki Filiisi nyóma mpa pa ta nyi Isɔ tɔ?

Tənaɟale Samsəŋ si: Ini ι wenna-m teu. Mi caami-ι te.

⁴ Ama ι nyóma ná tá nyi si Taca na niŋ we pə taa si pa pəyaɟa í hikina Filiisi nyóma na təna. Mpi tɔ, pɛɛɛ paa ŋmakəla Isɛɟeli nyóma ke waatu inɔɟi.

⁵ Mpuɟú Samsəŋ na ι nyóma pa pola Timna, pa kɔma na pá tala ɪcate nyóma lɛsɛŋ tuŋ tawa, ɪɛ tɔɟɔɟa kufalaya nyusa keɛ na í heli si ι naaki. ɪɛna ká tili ι waali. ⁶ Mpuɟú Taca Feesuɟu tii Samsəŋ tɔ na í kra-ke, na í cəli təkpu ɪsu pinaya. Pə́cɔ ι tɔŋaya niŋ kɛɛte ké. ɪ ta heeli ι nyóma ke mpi ι lapa tɔ. ⁷ ɪɛna í polo na í na pɛɛlɔ pá lá faaci. Pɛɛlɔ inu ι ka we-ι teu ké. ⁸ Pə lapa weɛ naale, ɪɛna Samsəŋ mələɟi Timna si ι kɛakəɟi ι taŋ, na í heli si ι naaki tɔɟɔɟa ŋka ι ka kɔwa tɔ. ɪɛna í maɟana tuŋ sɛsɛkɔ ke tɔɟɔɟa ŋke ka taa na setasi. ⁹ ɪɛna í cosi setaya ke ι niŋ taa na í tɔki na í tɛeki na í katɪ ι nyóma na í ha-we na pá tɔɟɔ. Ama ι ta heeli-we si tɔɟɔɟa kɔsəpaɟa taa ké ι hika tuŋ inu.

Samsəŋ su Filiisi nyóma ke ɪsəsule

¹⁰ Mpuɟú cɛcɛ pola pɛɛlɔ tɛ, na Samsəŋ la akpaɟale acima ke təna, ɪsu ifɛpiya laki tɔ. ¹¹ Filiisi nyóma na-ι, ɪɛna pá yaa ifɛpiya ke hiu na naanɔwa si pá na-ι pa caki. ¹² Mpuɟule Samsəŋ si: Ma suki-meɟe ɪsəsule. Ye í pəsaa na í kɛɛɛ-tɛɛɛ acima kɔyɛɛŋ naatosompɔɟɔɟa inɛ ι taa, maa ha paa wei ke toko kɔcacayaŋaɔ na acima nyəŋ. ¹³ Ye pə taya mpu paa

mə taa wei ɪ ka hana maya toko kucacayanav na acima nyəŋ. Ntəna pɛlɛ pɑ cə-ɪ sɪ: Su nyɑ ɪsəsulɛ na tɔ nu.

¹⁴ ɪlɛna Samsəŋ sɪ:

Kutətəŋəm luna təŋɔlv taa.

Na leleŋ nyəm luna toŋ tv taa.

Pepeŋɛ?

Haləna kuyɛɛŋ tooso siki ifepiya ta nyənta kucəcətv. ¹⁵ Mɔpɔŋ pɑ təma Samsəŋ alv kɛ kuyaku liŋiti nyəŋkv wulɛ sɪ: Puŋusi nyɑ paaɔv na ɪ heeli-tvɔv kəkpekreŋɛtv, tɔfə tu sə nyɑ na nyɑ caa təyaya nyəma kɛ kəkə. Pə taŋa ɪ yaa-tvɔv sɪ ɪ hvləsəŋɪ-tv.

¹⁶ Kɛlɛna Samsəŋ alv polo ɪ kiŋ na wula na ɪ təmi-ɪ sɪ: Nyɑ luŋu ta svv-m. Pəcə nn tu caaki-m. Pə təw kɛ n su ma nyəma kɛ ɪsəsulɛ na ɪ tɑ heeli-m kəkpekreŋɛtv. Mɔpɔŋɛ Samsəŋ sɪ: Hai, paa ma nyəma mayamaŋa ma ta heeli pɛlɛ, kacaŋfana nyɑ na?

¹⁷ Mɔpɔŋɛ alv musəna-ɪ na ɪsəlvɔv kɛ mɔpɔŋ acima kuyɛɛŋ təna. Pə nu-ɪ, ɪlɛna ɪ heeli-ɪ kuyaku naatosompɔŋɔlaya nyəŋkv wulɛ. ɪlɛna alv nɑɑ taŋasɪ ɪ tɛ ifepiya kɛ kɔakpaa. ¹⁸ Mɔpɔŋɛ ifepiya polaa na pɑ heeli Samsəŋ kɛ kəkpekreŋɛtv na pəcə ɪlim tv sɪ: Pepe kəla tuŋ nim kɛ leleŋ?

Na pepe kəla təŋɔlaya kɛ toŋ?

ɪlɛna ɪ cə sɪ:

Ye ɪ taa haləna ma alv kɛ nav nyəm,

ɪ taa nyɪ kəkpekreŋɛtv nti.

¹⁹ Tənaŋalɛ Tacaɛ Feesuŋu tii Samsəŋ təw na ɪ tɛɛ Asəkələŋ na ɪ kv apalaa hiu na naanvwa na ɪ wəŋəsɪ pɑ tokonaa, na pɑ acima wontu, na ɪ cɛla mpa pɑ kɔpɛŋa ɪsəsulɛ tɔ. ɪlɛna ɪ məli ɪ caa tɛ na pɑánɑ.

20 Μπυυλε πα ha Samsəη alv κε ifepu wei ι səna Samsəη κε ι akpaγale taa tə.

15

Samsəη λεετəγι Filiisi nyəma

¹ Pəle pə waali ké Samsəη pola ι alv nav κε komtu waatu, na í kpenna-ι pəfate. Uena í tə si: Ma suuki ma alv nan taa. Ama ι yəti kisiŋa-ι, ² na í tə si: Ma huuwa si nyá taa kpaŋa-ι ké. Uena má ha-ι nyá taapalv. Ue ι neu ta kəli-ι teu? Kpaγa uleγε kəγə lonte.

³ Təŋaγale Samsəη pəsənaa si: Ye ma λεετα Filiisi nyəma κε isayatu κε pənentaa pá taa tə si ma caala-we yoo.

PHIPI LI ISO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 21 Feb 2024 from source files dated 31 Aug 2023

ef14191a-91f7-51c1-ac89-7b93dd7c4377